



UNIVERSITÄTS-
BIBLIOTHEK
PADERBORN

**Vitæ Sanctorum Sacris per singulos anni dies
Meditationibvs illustratæ**

Paderbornæ, 1697

S. Balbina V. 31. Martii.

[urn:nbn:de:hbz:466:1-62968](#)

qui audiunt adeoq; sciunt voluntatem Dōmini, nec
tamen faciunt eam.

2. Dux quantumvis vocem extollat & ad bellum
moneat, nil efficit, nisi miles pugnare velit. Solus
auriga frustra torquet scuticam & clamorem effert,
nisi equi trahere velint plaustrum, obediendo voci
clamantis: Frustra dirigit Architectus, nisi operarii
strenue laborent. Sic frustra Verbum Dei audis
monente concionatore, nisi monitis obedire velis.

3. Istaēl si audieris me, non erit in te Deus recens. Au-
dire in Sacra Scriptura, idem est, ac obaudire. Ca-
in audiit vocem Dei monentis: cur concidit facies tuā
si bene egeris recipies, si male, in foribus adest peccatum.
audiit, sed non obaudiit, ideoque periit.

S. BALBINA V.

31. Martii.

*Crescite verò in gratiā, & cogni-
tione Domini nostri Salvatoris
JESU CHRISTI. Petr. 2. Ep. cap. 3.*

Pellis aliis Sponsum forma, Balbinæ de-
formitas conciliavit. Id in hunc mo-
dum accidit. Ad miraculum primò formo-
la fuit, obque id parenti Quirino Tribuno
unicè chara. Sed quia hic Alexandrū Pont.
itemque Hermetem Præfectum ob fidem in
vinculis habebat, Numen vindicare Impie-
tatem

statem patris in filia (oculo parentis) statuit, colloque Virginis ingens onus, & quod omnem pulchritudinem extingueret, strumam appendit. Cum hac dote cum nulli jam placeret BALBINAM ducere, & parens desperandum sibi de nuptiis filiae videret, Alexandrum in vinculis accessit, promisitq;, si strumam filiae collo pelleret, superstitione se cum hac, animo pulsurum. Facile utrumque convenerit. Vix admovit Alexander filiae vincula sua, quæ Quirinus injeccerat, cum illa strumam, uterque superstitionem posuit. Itaque jam Nuptiæ splendide parabantur. Sed puer elegantissimus adstitit Virgini, face armatus. Is sive amor, sive hymenæus sanctior, facile melioris Sponsi amore accedit, Jesuque ut nuberet, induxit. Interea creberrima oscula salutis auctoribus vinculis Alexandri fixit. Idem præstítit monita ab Alexandro D. Petri vinculis. Mortui dein pro Christo & Alexander & Pater. Virgo longius supervixit, utriusq; hæres virtutis.

Ex Ferrar.

M E D I T A T I O

De nostro in virtute progressu.

1. **C**hristianus nunquam debet in acquisito virtutis gradu quietcere, sed ad sublimiora

P 2

semper

semper contendere. Grandis tibi restat via ad perfectionem. Considera S Franciscum, S. Theresiam, aliosque complures, à quibus adhuc distas longissimè. Quot enim malè domiti affectus tuum animum adhuc conturbant? An eodem amore contemptum, & labores prosequeris, quo mundus gloriam, & voluptatem?

3. Cave, ne erres in viâ perfectionis. Frustra giganteo passu currat, qui aberrat à viâ. Quantumcunque labores, nisi sequaris divinam voluntatem, labor iste tuus vanus est, ac nullo præmio dignus. Ex tuo Præposito, vel ex eo, qui tibi est à confessionibus, percontare, quid potissimum facere debras, ut placeas Deo. Alioqui magni passus, sed extra viam. Tertull.

3. Nihil quidquam de fervore tuo remittas. Vide utrum pia exercitia, atque mortificationes vel omiseris omnino, vel minueris. Si te premat facti conscientia, cave, summo versaris in periculo. Quid nunc frigidius Deo servis? An minus dignus nunc est, qui à te diligatur, quam erat, cum extoto corde tuo eum amabas? Agedum pristinum fervorem excita: Dic cum Prophetâ: vix benè servire cœpi Domino meo, qui ab æterno me dilexit.
Dixi, nunc cœpi.



APRIL.